

Na osnovu člana 13. Statuta Fonda ("Službene novine FBiH", broj: 33/06), a u vezi sa članom 10. Pravilnika o postupku objavljivanja konkursa i odlučivanja o odabiru korisnika sredstava Fonda za zaštitu okoliša Federacije BiH ("Službene novine FBiH", broj: 73/10), Upravni odbor Fonda za zaštitu okoliša Federacije BiH na prijedlog direktora, na svojoj XXX. sjednici održanoj dana 04.05.2012. godine, na osnovu provedenog Javnog poziva za sufinansiranje programa, projekata i sličnih aktivnosti iz oblasti zaštite okoliša javnih naučnih i visokoškolskih institucija, nevladinih udruženja i drugih neprofitnih organizacija Fonda za zaštitu okoliša Federacije Bosne i Hercegovine („Službene novine FBiH“, broj: 18/12 dana 29.02.2012. godine, dnevnim listovima „Dnevni avaz“ i Večernji list“ dana 29.02.2012. godine i web stranici Fonda) donosi:

O D L U K U

o odabiru korisnika sredstava Fonda za zaštitu okoliša Federacije BiH na osnovu provedenog Javnog poziva za sufinansiranje programa, projekata i sličnih aktivnosti iz oblasti zaštite okoliša javnih naučnih i visokoškolskih institucija, nevladinih udruženja i drugih neprofitnih organizacija

I.

Pravo na korištenje sredstava Fonda za zaštitu okoliša Federacije BiH na osnovu provedenog Javnog poziva za sufinansiranje programa, projekata i sličnih aktivnosti iz oblasti zaštite okoliša javnih naučnih i visokoškolskih institucija, nevladinih udruženja i drugih neprofitnih organizacija ostvaruje sljedećih 59 aplikanata :

a.) Projekti nevladinih udruženja i drugih neprofitnih organizacija ostvario je 31 aplikant u ukupnom iznosu od 387.000,00 KM.

1. UG Partnerstvo za zdrav život, Tuzla za projekat: „Selektivno prikupljanje otpada u individualnim domaćinstvima MZ Sjenjak“, sa iznosom do 8.000,00 KM,
2. UG planinarsko društvo Vranica za projekat: „Uklanjanje divljih deponija smeća i preveniranje nastanka istih na području Prokoškog jezera, planina Vranica, općina Fojnica“, sa iznosom do 5.000,00 KM,
3. Humanitarna udruga Eco grupa, Kreševo za projekat: „Uklanjanje divljih deponija otpada na području općine Kreševo u povodu dana planete Zemlje „ sa iznosom do 2.000,00 KM,
4. Ekološka udruga Lijepa naša, Čapljina za projekat: „Projekat rijeka“ sa iznosom do 5.000,00 KM,
5. Amatersko mikološko udruženje, Sarajevo za projekat: „ Istraživanje i inventarizacija gljiva Igmana, Visočice i Bjelašnice, u svrhu kreiranja preliminarnog popisa vrsta navedenog područja“, sa iznosom do 5.000,00 KM,
6. Ekološko društvo "Kadulja", Grude za projekat: „Izdavanje Eko bontona“, sa iznosom do 4.000,00 KM,
7. Ekološki pokret gorana FBiH za projekat: „Zeleni telefon“, sa iznosom do 6.000,00 KM,

-
8. Udruga zaštite i očuvanja izvornih pasmina, Široki Brijeg za projekat: „Očuvanje matičnog staza najugroženijih autohtonih pasmina domaćih životinja u BiH”, sa iznosom do 10.000,00 KM,
 9. Centar za okolišno održivi razvoj COOR za projekat: „Eko škola Goražde-Obrazovanje za okolišno održivi razvoj”, sa iznosom do 8.000,00 KM,
 10. UG Ski Centar Ruište, Mostar za projekat: „Revitalizacija populacije munike na prostoru Rujišta”, sa iznosom do 25.000,00 KM,
 11. Centar za ekologiju i energiju Tuzla za projekat: „Odgovorno upravljanje medicinskim otpadom”, sa iznosom do 5.000,00 KM,
 12. Ekološki savez Eko zeleni TK, Tuzla za projekat: „Jezero Modrac, ekološko turistička zona”, sa iznosom do 2.000,00 KM,
 13. Biospeleološko društvo u BiH-BIOSPEL, Sarajevo za projekat: „Aktualno stanje i potreba zaštite spiljskih tipskih lokaliteta endemičnih stigobiontskih vrsta u BiH”, sa iznosom do 10.000,00 KM,
 14. Prijatelj prirode "Eko element", Bugojno za projekat: „Zelena ostrva Bugojna”, sa iznosom do 4.000,00 KM,
 15. Udruga za poticanje ruralnog razvoja "Alpina", Posušje za projekat. „Očuvanje, uređenje i zaštita okoliša u MZ Podbila”, sa iznosom do 4.000,00 KM,
 16. Fondacija za obnovu i razvoj regije Vareš za projekat: „Izrada programa i nastavak sanacije divljih odlagališta krutog otpada na prostoru općine Vareš”, sa iznosom do 10.000,00 KM,
 17. Udruga ribolovaca općine Orašje "Šaran" za projekat: „Čisto-bistro”, sa iznosom do 4.000,00 KM,
 18. Udruženje ekologije, turizma i ljepote ECO INPULS, Sarajevo za projekat: „Ekologija-temelj budućeg ekonomskog razvoja BiH”, sa iznosom do 32.000,00 KM,
 19. Udruženje "Vatrogasno društvo Kakanj", Kakanj za projekat: „Zaštita obala rijeke Bosne sadnjom drveća te čišćenje obala i korita od krutog otpada u dužini 1 km”, sa iznosom do 10.000,00 KM,
 20. HKD Napredak Sarajevo za projekat: „Uređenje okoliša za novoizgrađeni Napretkov dom na Trebeviću - faza A”, sa iznosom do 38.000,00 KM,
 21. Udruženje društvo studenata biologije, Sarajevo za projekat: „II internacionalni biološki kamp "Boračko jezero 2012"”, sa iznosom do 5.000,00 KM,
 22. Udruga korisnika vodovoda Hodovo, Stolac za projekat: „Izgradnja vodoopskrbnog sustava Hodovo-Rotimlja”, sa iznosom do 30.000,00 KM,
 23. Udruženje inovatora Tuzlanskog kantona za projekat: „Izrada broda čistača površine jezera i košenje trave u vodi - jezero Modrac”, sa iznosom do 10.000,00 KM,
 24. Udruženje građana za ljekovito bilje, voće, grožđe i povrće, Mostar za projekat: „Zaštita i očuvanje zemljišta na prostoru mostarskog brda Hum”, sa iznosom do 35.000,00 KM,
 25. Ronilački klub Bosna, Sarajevo za projekat: „Video i fotodokumentovanje stanja Neumskog akvatorija”, sa iznosom do 6.000,00 KM,
 26. Privredna komora USK za projekat: „Međunarodni ekološki sajam Ekobis 2012/ Stručna konferencija konferencija Energetska efikasnost i okoliš”, sa iznosom do 35.000,00 KM,

-
27. Udruženje građana Sinovi mahale, Mostar za projekat: „Saniranje erozionog područja u interesu očuvanja životne sredine”, sa iznosom do 15.000,00 KM,
 28. Ekološko udruženje Flora, Mostar za projekat: „Revitalizacija autohtone biljne populacije na padinama starog grada Blagaja”, sa iznosom do 35.000,00 KM,
 29. UG Nova vizija, Olovo za projekat: „Eko akcija - pozitivna reakcija”, sa iznosom do 4.000,00 KM,
 30. Udruga Baština, Novi Travnik za projekat. „Tise i munika u FBiH”, sa iznosom do 5.000,00 KM,
 31. Udruženje Green Art, Sarajevo za projekat: „Eko kampanja LIST”, sa iznosom do 10.000,00 KM.

b.) Naučno-istraživački projekti/studije javnih naučnih i visokoškolskih institucija ostvarilo je 14 aplikacija u ukupnom iznosu do 174.000,00 KM.

1. Poljoprivredno-prehrambeni fakultet Sarajevo za projekat: „Utjecaj hidrološkog režima na mineralizaciju i mogućnosti remedijacije tresetišta Livanjskog polja”, sa iznosom do 5.000,00 KM,
2. Agronomski i prehrambeno-tehnološki fakultet Sveučilišta u Mostaru za projekat: „Prezervacija i proučavanje agrobioraznolikosti u vinovoj lozi i nekim mediteranskim voćnim vrstama”, sa iznosom do 10.000,00 KM,
3. Arhitektonski fakultet Univerziteta u Sarajevu za projekat: „Izrada tehničke dokumentacije za retrofit zgrade Arhitektonsko-građevinskog fakulteta, UNSA - primjer objekta za ogled i ugled”, sa iznosom do 10.000,00 KM,
4. Građevinski fakultet Sveučilišta u Mostaru za projekat: „Analiza iskorištavanja podzemnih vodnih resursa u svrhu opskrbe vodom ruralnih naselja”, sa iznosom do 30.000,00 KM,
5. JU Univerzitet u Bihaću za projekat: „Zaštita ugroženih autohtonih vrsta i sorti voćaka od nestanka”, sa iznosom do 10.000,00 KM,
6. Agromediteranski fakultet, Mostar za projekat: „Utvrdjivanje kontaminacije tla teškim metalima i mjere zaštite na potezu Bijelo polje-Hodbina, općina Mostar”, sa iznosom do 20.000,00 KM,
7. JU Univerzitet u Zenici Mašinski fakultet u Zenici za projekat: „Istraživanje prinosa bioplina u procesu anaerobne digestije čvrstog otpada iz klaonice”, sa iznosom do 10.000,00 KM,
8. Zemaljski muzej BiH za projekat: „Identifikacija područja značajnih za zaštitu ugroženih vrsta Odonata (vilinih konjica)”, sa iznosom do 8.000,00 KM,
9. Šumarski fakultet Univerziteta u Sarajevu za projekat: „Detekcija, karakterizacija i konzervacija novih oblika biodiverziteta u BiH: Studija slučaja roda sorbus”, sa iznosom do 18.000,00 KM,
10. Šumarski fakultet Univerziteta u Sarajevu za projekat: „Razvoj inventurnog metoda za procjenu vrsnog, strukturnog i prostornog diverziteta šumskog drveća u funkciji očuvanja i zaštite okoliša na području Kantona Sarajevo”, sa iznosom do 8.000,00 KM,
11. Biotehnički fakultet Univerziteta u Bihaću za projekat. „Kontrola sadržaja teških metala u vodi i ribama rijeke Une”, sa iznosom do 10.000,00 KM,

-
12. Tehnološki fakultet Tuzla za projekat: „Anaerobna kodigestija otpadnog mulja i organskog otpada u smjesi”, sa iznosom do 20.000,00 KM,
 13. Agronomski i prehrambeno-tehnološki fakultet Sveučilišta u Mostaru za projekat: „Procjena stupnja trofije Blidinjskog jezera temeljem fizičko-hemijskih i bioloških svojstava vode”, sa iznosom do 5.000,00 KM,
 14. Institut za genetičko inženjerstvo i biotehnologiju (INGEB) Sarajevo za projekat: “Procjena ugroženosti Bh.endemične vrste *Moltkia petraea* primjenom molekularno-genetičkih markera”, sa iznosom do 10.000,00 KM.

c.) Održavanje kongresa, simpozija i okruglih stolova čiji je organizator udruženje ili javna naučna i visokoškolska institucija, ostvarilo je 8 aplikanata u ukupnom iznosu do 74.000,00 KM.

1. Fakultet prirodno-matematičkih i odgojnih znanosti Sveučilišta u Mostaru za projekat: „Znanstveno-stručna konferencija s međunarodnim sudjelovanjem "Zaštita voda u kraškom području", sa iznosom do 10.000,00 KM,
2. Akademija nauka i umjetnosti BiH za projekat: „Radioekološki pristup zaštiti životne sredine - RADIOECO BiH 2012”, sa iznosom do 10.000,00 KM,
3. JU Univerzitet u Zenici Mašinski fakultet u Zenici za projekat. „ 2nd International "Symposium on Environmental and Material Flow Menagement"-EMFM 2012”, sa iznosom do 4.000,00 KM,
4. USAID Enterprise energy efficiency, Sarajevo za projekat. „Festival energetske efikasnosti” sa iznosom do 10.000,00 KM,
5. Fondacija za zaštitu Bjelašnice, Igmana, Treskavice i kanjona Rakitnice za projekat: „ Permakultura”, sa iznosom do 5.000,00 KM,
6. UG za ljekovito i aromatsko bilje i njihove proizvode, Sarajevo za projekat:„ Održivo korištenje i zaštita resursa ljekovitog bilja i gljiva”, sa iznosom do 8.000,00 KM,
7. Centar za krš i speleologiju, Sarajevo za projekat: „ Međunarodni simpozij Čovjek i krš”, sa iznosom do 2.000,00 KM,
8. Tehnički fakultet Univerziteta u Bihaću za projekat: „ Održavanje okruglih stolova”, sa iznosom do 25.000,00 KM.

d.) Objavljivanje naučno-stručne literature i publikacija relevantnih za oblast zaštite okoliša, ostvarilo je 6 aplikanata u ukupnom iznosu do 49.000,00 KM.

1. Fakultet prirodno-matematičkih i odgojnih znanosti Sveučilišta u Mostaru za projekat: „ Izdavanje sveučilišnog udžbenika Okoliš i održivi razvoj”, sa iznosom do 10.000,00 KM,
2. Ornitološko društvo Naše ptice Sarajevo za projekat. „Štampanje Biltena Mreže posmatrača ptica u BiH (broj 7 i 8)”, sa iznosom do 5.000,00 KM,
3. Ekološka udruga Lijepa naša, Čapljina za projekat. „Izdavanje ekološkog časopisa EKO Hercegovina”, sa iznosom do 6.000,00 KM,

-
4. Anita Ivanković za projekat: „Blidinjsko jezero - osvrt na eutrofikaciju”, sa iznosom do 10.000,00 KM,
 5. Šumarski fakultet Univerziteta u Sarajevu za projekat: „Procjena okolinskih utjecaja”, sa iznosom do 10.000,00 KM,
 6. Udruženje inženjera i tehničara šumarstva FBiH UŠIT FBiH za projekat: „Fotomonografija Šume Bosne i Hercegovine”, sa iznosom do 8.000,00 KM.

II.

Sredstva iz tačke 1. ove Odluke osigurat će se sa pozicije 614 000/ Tekući transferi i drugi tekući rashodi.

III.

Na osnovu ove Odluke zadužuje se direktor Fonda na sklapanje ugovora sa odabranim aplikantima, u kojima će se utvrditi iznos odobrenih sredstava, uslovi i način korištenja dodjeljenih sredstava, vremenski rok za realizaciju projekta, način plaćanja i kontrole namjenskog korištenja dodjeljenih sredstava, te ostala međusobna prava i obaveze korisnika sredstava Fonda.

IV.

Ugovori će se sklapati u skladu sa odredbama Pravilnika o postupku objavljivanja konkursa i o odlučivanju o odabiru korisnika sredstava Fonda („Službene novine FBiH“, broj: 73/10), Pravilnika o mjerilima za ocjenjivanje zahtjeva za dodjelu sredstava Fonda odnosno programa, projekata i sličnih aktivnosti („Službene novine FBiH“, broj: 73/10) i Pravilnik o uslovima i načinu dodjele zajmova ili pozajmica i drugih sredstava Fonda („Službene novine FBiH“, broj: 75/10).

V.

Odluka stupa na snagu danom donošenja.

VI.

Protiv ove Odluke može se podnijeti prigovor Komisiji Fonda u roku od tri (3) dana od dana prijema pisane odluke.

O b r a z l o ž e n j e

Fond za zaštitu okoliša Federacije BiH je, na osnovu člana 27. stav 1., člana 32. stav 1., Zakona o Fondu za zaštitu okoliša Federacije BiH ("Službene novine FBiH", broj: 33/03), člana 7, člana 22. stav 1., člana 34, stav 1. i člana 36. Statuta Fonda za zaštitu okoliša Federacije BiH ("Službene novine FBiH", broj: 33/06), Programa rada i Finansijskog plana Fonda za zaštitu okoliša FBiH za 2012. godinu, člana 5. Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10), raspisao *Javni poziv za sufinansiranje programa, projekata i sličnih aktivnosti iz oblasti zaštite okoliša javnih naučnih i visokoškolskih institucija, nevladinih udruženja i drugih neprofitnih organizacija*, dana 29.02.2012. godine („Službene novine FBiH“, broj: 18/12, dnevnim listovima „Dnevni avaz i Večernji list“ i web stranica Fonda).

Na objavljeni Javni poziv blagovremeno je dostavljena 231 prijava. Nakon isteka roka za dostavljanje prijava, utvrđeno je da je neblagovremeno stiglo 7 prijava.

Radi ocjene dostavljenih prijava formirane su:

1. Podkomisija za analizu i ocjenu prijava po provedenom Javnom pozivu za sufinansiranje programa, projekata i sličnih aktivnosti iz oblasti zaštite okoliša javnih naučnih i visokoškolskih institucija, nevladinih udruženja i drugih neprofitnih organizacija u smislu ispunjenosti formalno-pravnih uslova zahtijevanih navedenim Javnim pozivom, i koja je utvrdila da 164 prijave ispunjavaju formalno-pravne uslove; i
2. Komisija za stručnu ocjenu i prijedlog odabira prijava po provedenom Javnom pozivu za sufinansiranje programa, projekata i sličnih aktivnosti iz oblasti zaštite okoliša javnih naučnih i visokoškolskih institucija, nevladinih udruženja i drugih neprofitnih organizacija.

U toku provođenja postupka, a nakon utvrđivanja ponuda koje zadovoljavaju propisane uslove Javnog poziva, primijenjeni su kriteriji bodovanja, u skladu sa Pravilnikom o mjerilima za ocjenjivanje zahtjeva za dodjelu sredstava Fonda, odnosno programa, projekata i sličnih aktivnosti ("Službene novine FBiH", broj: 73/10).

Komisija je nakon stručne analize svih pristiglih ponuda utvrdila rang listu prednosti te dostavila prijedlog direktoru. Nakon ocjene Komisije, direktor Fonda je dao prijedlog Upravnom odboru radi odlučivanja o pristiglim ponudama u skladu sa odredbama Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10).

Imajući u vidu ocjenu ponuda od strane Komisije za stručnu ocjenu, odlučeno je kao u izreci ove Odluke.

**Predsjednik Upravnog odbora
Mr. Pero M. Goluža, dipl. ing.**

Broj: UO-4-30-2/2012.

Sarajevo, 04. 05. 2012. godine